

北邊合考

滿洲

五



27  
13  
9

卷之六

六

四

五

三

二

一

...

...


...

...



北邊合攻卷之五

日本堅田 京兆 山田聯纂輯



滿洲源流考四

駐蹕興安八首 並序

出古北古岡巒盤互地形漸高行五百里至  
興安峻嶺竦峙自張家口蜿蜒而來橫亘塞  
外南北諸山盡出其下地當蒙古諸部道里  
之中為曩昔枕戈擐甲戰爭之所迫我烈  
祖肇握乾符恢廓天緒德威所被四十八部

固不傾心內附古之歐脫今隸方輿癸亥夏  
 六月奉 太皇太后避暑來游駐驛於此炎  
 歊不至清風滿林山雨既濡萬卉齊發於時  
 遠邇小大藩臣各率其屬趨侍行殿既于苗  
 以講武事復燕衍以懷遠人撫此遐陬在禹  
 迹方行之外聲教四訖皆 祖功 宗德之  
 貽朕今紹祚獲際昇平能無永念予即事書  
 懷得詩八首

祖德隆 三后天心廓九圍謳歌通毳幕風雨

想戎衣一自車書合長看職貢歸黃圖無內外

時邁有光輝 其一

特奉 仙輿出暗巒駐羽旄風多停彩扇驛遠

進冰桃麗草金蓮湧 塞上多金蓮花  
較清涼山尤勝 濃陰碧樹

高墉臺新月上廣樂奏雲璈 其二

重嶺疊雲煙旌旗拂塞天草香薰翠幄花暖接

紅川雁磧長城外龍荒勝地傳回瞻亭障遠千

里抱函遠 其三

六月浮埃淨高居暑氣消千山低接帳万木迴

凌霄地擁邊沙闊天臨塞曲遙封章達行在銀  
燭秉涼霄其四

虎戟間清候道遙覽物華煙籠千樹柳暑發四  
時花風土暄涼異山川道里賒濯枝新雨歇皎  
皎散飛霞其五

地脈連荒服山秋赴上陘炎歊移月令分野別  
星經樺屋參覃有松林斷續青雲沙一萬里屬  
國盡來庭其六

邊雲澄霽色山翠點行衣馬引彫弓過禽連羽

箭飛旌旗開一面草樹入長圍我武當蒐狩非  
因輝德威其七

紫塞行巡日瑠輿問倍年大庖陳拊俎仙醴秩  
初筵屏翰金湯壯光華賜予宣示慈良有意裒  
對在敷天其八  
○康熙御製文集



皆鳧藻席預嘉賓適鹿鳴

時蒙古王公扈却喜駕者亦令入宴

多人能舊舞

國朝喜起舞乃旧俗寧樂每用之俗所稱麻克新者也

翻嬾

小部鎮新聲本來此地無租賦底用當筵額減

征

車駕至吉林得七言排律十二韵

踰千塞甸歷迨迨暢慰初心到一朝天作高山

保之永地呈沃壤壯哉饒星分箕尾神臯衍俗

重耕桑協氣調左氏淳夸紀周晋史家建置攷

金遼為藩南接陪京近扼塞北臨黑水遙一旅

艱難緬亶父兩番巡幸遡唐堯

康熙年間皇祖凡兩次巡幸

此繩先惟是期無忝裕後還因視不忉問寢承

歡常愛日勅幾熙績每衣宵帥農為慶農逢稔

省俗猶欣俗遠澆旱士歡虔皆子弟戚賓侍從

擬臣寮持盈保泰心恒凜蒙業延休志敢驕陶

復當年未家室瀋陽因擊大風謠

駐蹕吉林將軍署復得詩

天作高山景仰近應歆切切繼先誠星漢南來

直北流

國語松阿里烏喇松阿里者即天河也漢語因名松花江

縈迴潑沆

衛神州城臨鏡水滄烟上地接屏山綠樹頭輻  
輳閭閻市中日往來舸艦織清秋設教圖入冊  
青画應擬宣城謝氏樓

吉林覽古雜咏

克商肅慎致梯航楛矢陳庭理或常未必幅員  
歸北土詹桓辭晉失誇張

荒略山原限大東漢唐紀載鮮精窮購詩只有

雞林使

雞林即今吉林  
蓋語音之訛

真鑒偏教幸白翁遼金

以後率堪詳府設黃龍因見祥地力三農真沃

土舟通百貨宛江鄉

宣和聲色恣情奢壓境難迴勁旅加可笑虱生

幽五國風流猶自號琵琶

吉林土風雜詠十二首 有序

吉林在盛京東北我朝發祥所自舊俗流傳

有先民遺風焉甲戌東巡駐驛連日江城山

郭廬旅語言想見岐豳式廊之始咨詢土風

拈二字成語者為題得近體十有二首聊紀

一二云爾

威呼

剡巨木為舟平舷圓底脣銳尾脩大者容五六人小者二三人剡木兩頭為槳一人持之左右運棹捷若飛行

取諸渙卦合義經解艮評量此更輕剡木為舟

剡木楫林中攜往水中行窩集中山溪相間凡採參捕貂者攜威呼

以往遇水則乘之飽帆空待吹風力柔櫓還嫌劃水聲

泥馬賒枯尤捷便泥馬賒枯者以樺皮為之只容一人兩手持小槳划行

恰如騎鯉遇琴生

呼蘭

因木之中空者剡使直達截成孤柱樹簷外引炕煙出之上覆荆筐而虛其旁竅以出煙雨雪不能入比室皆然

中通外直求材易暮爨晨炊利用均曲突徙薪誠上策魚頭爛額更何人疎煙土銼烹蒸便夜兩荆筐蓋覆頻却有千年遼海鶴驀疑萃表話前身

法喇

似車無輪似榻無足覆席如龕引繩如御利  
行冰雪中俗呼扒犁以其底平似犁蓋土人  
為漢語耳

架木施箱質莫過致遙引重利人多永天自喜  
行行坦雷嶺何愁嶽嶽駁馬飛騰難試滑老  
牛緩步未妨蹉華軒誠有輪轆飾人弗庸時奈  
若何

斐蘭

弧矢之利童而習之小兒以榆柳為弓曰斐

蘭剡荆蒿為矢翦雉翟雞翎為羽曰鈕勘  
榆柳彎弓弦壓絲剡荆作箭雉翎玳壯行幼學  
率由舊蓬矢桑弧匪襲為揖讓豈知爭君子闔  
梓惟覺慣童兒曾聞肅慎稱遙貢可惜周人未  
解施

賽斐

古人食皆以匕羹則以勺國俗用木匕長四  
寸許曲柄豐末猶古制也  
質古惟稱以木為曲長且楯進餐宜鼎中底用

輕染指座裏應教笑朶頤無下奢哉嗤彼箸有  
抹便矣藉茲匙青泥坊底芥香處壯老居然得  
句時

額林

度橫板楣棟間以貯奩篋餅甕諸器具魚几  
枓匱匱之用

度楣橫版當中厨家計精麤箇裏俱鼠鬧欲投  
還忌器爵飛同量不妨觚竈間那識薪為蠟几  
上常看皮是烏淳樸遺規恭儉德風聲擬使遍

黃圖

施函

劉木為筩因其自然虛中以受物貯水釀酒  
皆用之視束鐵編篋攢木片為器者天質為  
勝

誰云瓠落不中材虛受天然器量恢泉貯雲漿  
消舊渴春筩石凍醱新醅早嗤轆釜催人去

閭閻

有無相通容至必留飯其有  
頡美者羣以為吝而笑之  
何用修筒引水來  
可供餅壘謝梁棟孰非造物善栽培

拉哈

土壁堵間綴麻草下垂緣以施巧墁此國初過澗苳鞫間故俗也

乘居居間事索絢經營婦子共勤勞禦寒塞向

諸允預施墁編麻要取牢出氣天窗柱左右哈拉

墁壁之上搃棟中豎柱以承梁左右留二孔出氣謂之嘛木哈圖拉圖拉者漢語所謂柱也

通烟土銚炕周遭室家幽館風猶在慙愧官庭

雉尾高

霞綉

蓬梗為榦搏穀糠和膏傳之以代燭燃之青

光熒、煙結如雲俗呼糠燈

蓬梗糠粃膏傳塗茅檐夜作每相需績麻乍可

呼燈婢耽奕非關誚燭奴最愛燄輝一室朗卹

醉煙染滿窗烏葛燈籠是田家物勤儉遺風與

古符

豁山

夏秋間擣敗苧楮絮入水漚去聲之成毛氈漚芦

簾勺暴為紙堅韌如革謂之豁山凡紙箋胥

以是名之

擣苧漚麻亦號箋粘窗寫牘用猶便百番徒訝  
銀光薄万杵還輕越竹堅但取供書何貴巧便  
稱鋪玉詎能賢高麗鏡面尋常有愛此淳庶舊  
制傳

羅丹

鹿蹄腕骨也舊俗以蹄腕骨隨手攤擲為戲  
視其偃仰橫側為勝負小者以麀大者以鹿  
瑩澤如玉兒童婦女圍坐擲以相樂以薄圓

石擊之則曰怕格

投石軍中以戲稱手彈腕骨俗相仍得全四色

方愉快

腕骨一具四面各不同持四枚擲之各  
得一色則為四色全大約以此分勝負

何必三臬始絕勝閨秀爭能守爐火

一手攤擲  
承空上下

各取之以不動局上者為工  
婦女多能之非男子事也

兒童較遠驟寒水

又有較遠之戲趨水上無端勝負紛憂喜麀鹿  
以中為勝名曰撒罕

那知有許能

周斐

樺皮之用在皮厚者盈寸取以為室上覆為

瓦旁為墻辟戶牖体輕而工省逐獸而頻移  
山中所產不可勝用也

巢處遺風藉樺皮上簷側壁總堪為端誇不漏  
還勝瓦豈慮頻遷等奕碁甕牖繩樞猶未備夏  
涼冬暖且相宜五侯第宅皇州遍苜蓿先型爾  
尚知

即事五首

吉林圍接盛京圍天府秋高獸正肥本是昔年  
馳獵處癸亥年謁祖陵亦山情水態記依稀

依疆執役兩將軍率下從公各効勤都是沛豐  
諸子第爭先奮勇起風雲

詰戎深意寓干畝故國圍場近柳邊聞說彎弧  
親射虎稜、神武至今傳我太祖太宗定

為習武教獯之所每以此事為重立法亦甚嚴  
或逢熊虎無不親御弧矢馬上射之詰戎示後  
之意至深遠矣

箭取儼群侯友鹿網來巨口細鱗鯨雲中山色  
能生動澗底泉聲乍有無  
即漸皮衣換絮衣長途定省奉慈闈留都父老

心猶急重喜翠卒指日歸

○乾隆御製詩集

Blank page with faint bleed-through text from the reverse side.

客言卜魁寒甚答之

怕寒憎客說寒邊雪勢霜威口角懸  
羈侶關心先我歷日人求熱向誰憐  
生來冷骨何爭地拚得殘軀且試天  
燼火尚留永窖淚不愁饑吻有遺糧

微陰

塞煖惟憑日輕雲便作寒  
裘遮多病骨簾綴倚風闌  
待炭江冰薄炭車待永堅乃渡  
馱薪馬力殘本無卒歲計  
翻任客心寬

打貂行

打貂須打生用網不用箭用箭傷皮毛用網繩  
 如線犬逐貂貂上樹打貂人立樹邊路搖樹莫  
 驚貂貂落可生捕皮完脯肉供七箸索倫地名打  
 貂三百戶白狼賚同赴九天閭闔上方裘垂裳  
 治仰雖蟲助天賦火尚留木言新不許歸四自  
 木石謠 墨爾根艾渾深山老樹為風雨所  
 摧卧地數年輒變為石質色堅青木理宛然  
 榆為上柞次之其皮不變故可辨也卜魁墨

爾根艾渾皆無石用以礪刀箭甚利

莫鑿木木已摧笑爾面目非本來莫刷石石不  
 久外面雖堅裏面朽木耶石耶伊誰之質耶莫  
 辨莫辨利爾刀箭

婦獵詞

背負兒手挽弓騎馬上山打飛蟲飛蟲落手搵  
 其胸掬血飲兒兒口紅兒翁割草牛車卸歸來  
 同飽羶廬下

打鷹歌

冬鷹復春鷹多少打鷹手負網入空山蒙皮卧  
林藪草暖捕鷹雛草冷捉鷹母鴻鵠高飛六翮  
厚白鶴梳翎入雲阜矯矯搏擊才伴結烏龍走  
平蕪灑血逞雄姿條鞫到死懸人肘 ○右述  
本堂

集所載葆  
素齋集

乞水鄰家

壺水乞鄰夜冰封凍井轆地窮艱一勺牆短受  
頻呼炙火茶驚梳冬月炙梳令温乃移燈藥沸  
投以茶否則梳墜  
鑪渴消司馬病曾否借來無 ○右述本堂集  
所載如是齋

集

稽林

又名船廠臨松花江自奉天至此十三  
站八百五十里

古者雞林地漚影海東國字異名略同鎮臨大  
江側江水浮松花滿渚蛟鼉宅黃茅十萬家人  
烟壯濤色對岸千岡鬱林木密如棘栝栢大十  
圍蒼皮翳山黑往歲羅刹羗樓船偶肆憲設戍  
灘沙高取材便戰船恭聞 太和成康熙中重  
建太和  
殿遠致千牛力由來資棟梁曾不限方域願布  
明堂政舞羽歸至德鎮尾樯烏間江流清可食

物害消鯨鯢民命遠兵革

布塔哈烏喇

珠江也官歲采珠於此采獲於山采貂於野並為東鎮寶產

部曲千駟強前代邊疆冠神龍起天潢沙蟲腐

頽岸鬱、城市狀稠沓訖井閉生齒鮮編民徭

役半流竄清冷汨深淵珠光倒星漢南海豈寂

寥貢舶扶桑畔維地不愛寶邊產歲無算令嚴

私采罪官采春冰泮巨蚌部歲瓠獨木每名革囊繫

腰鼯鮫室凜共墜入眼波泚、采獲復采貂足

蘭復何憚

○ 右述本堂集中所採出關詩

卜魁雜詩二十首

驚心豺虎窟風雪是何天白髮三年淚黃沙萬

里鞭團團憐竭蹶魂夢久顛連莫道邊庭苦相

依重膝前

不作萍蓬想何妨鹿豕依忘情隨醉醒無意怨

芳菲晚食終朝肉酣眠盡夜歸自然成俯仰一

笑掩柴扉

雙絲何年樹高陰訝獨尊春風曾不度凍雪竟

能存青眼應憐客荒沙莫問根柳州人種柳相

對憶中原

到處為農色扶犁急晚溝逢入話未黍顧我少  
田疇心已傷瘡馬歸應學飯牛紫桑春雨足惆  
悵陸塘洲 陸塘余家故莊也

野草亦能花簾櫳認爾家有天同墜露魚地避  
寒沙得句情偏艷依人態更加芳名傳楚客蕭  
艾莫深嗟

芍藥移原野攜鏡駕小車草鋪青作路花望白  
成渠土重防根瘁陰濃遲雨踈許多斟酌意香

艷待何如

草木人稀識軒岐頗具名地辜材有用天豈物  
徒生辨性緣多病拈鋤偶獨行爰移仙品種春  
圃灌黃精

蔬畦郊遠近籬逕踏來迂野色紛瓜豆秋聲冷  
輓轡市兒朝換米鄰圃晚攜壺遙憶青門地通  
侯笑故吾

諾尼帶城綠心意豁潺湲水泮深春水雲堆入  
夏山健兒調馬去稚子釣魚還日日江邊路來

看夕照間

步隨意獨去心豈眼同寬  
籬落秋風遠牛羊夕照寒  
縈愁憐草漠驚險踏沙瀾  
暮色空回首中原一髮看

戎馬邊無際重城鎖市囂  
人奴餘墨涅兒戲亦弓刀  
犬走茅桁捷雞栖炙堦高  
莫須驚鹵莽還復稱麤豪

歌吳迷踪跡朝昏一室吟  
漫操寒瘦論其奈雪霜心  
白眼判身世黃沙任古今  
書空惟咄咄殷

浩爾情深

南門一里市何地復何營  
塵卧牛羊鞠風呼狐兔聲  
刀錐喧賈客冠履訝書生  
酪酒攜荒幕誰憐覓醉情

戌柝下黃昏邊荒甲士尊  
弓刀嚴夜令星斗靜高垣  
江國誰歸計水天無定魂  
強將殘卷伴摺拙戀鑪温

冷漠霜初闊長圍野盡曩  
將軍弓力大壯士搏生豪  
雷後黃羊集風前錦雉高  
班禽獎多獲夜

火醉香醪

籬籬安苟且終歲寡逢迎草長門如野星羅屋  
似營曦光過隙易霜色壓茅子祇作深山隱寥  
天轉不驚

雲淨高空夜西風兆曉霜客心驚八月天意肅  
殊方枝護寒窗艷鴻飛漠月荒等間甘苦異閱  
歷已尋常塞霜分甜苦苦霜益烈

酒境止微醺輕寒夜未分春聊生落莫愁且逐  
紛紜斗靜孤橫月天高淡著雲曉檐喧鵲語飽

睡不曾聞

草色枯牛背殘陽曳凍輪何嘗榛莽能棄易布  
茶新饜冷皮包飯搓冰手葉龜翻看邊塞上力  
作少游民土人手凍搓以冰雪使冷極發暖則  
不皸裂

飄零難問地毳帳復繩樞草長秋城隘天荒暮  
月孤數行迷過雁三匝刺啼鳥萬古淒清意在  
歌託唾壺

卜魁竹枝詞二十四首

諾尼江上水潺潺五月冰消艾渾山流到混同

天更碧松花一派白雲間諾尼江在城北五里南流至混同江會松

入花江海  
邊天春事近為農野燒荒荒二月風千里火雲  
吹不斷滿城都在夜光中

沙搏三月草芽乾曾少春遊遠樹看漠色乍青  
還乍白東風吹暖復吹寒春草初生經寒復槁

老樹爭言神所搏千條沙兩道傍垂昨宵畫鼓  
方行禱莫遣行人誤折枝城南獨柳土人皆神祀之戕其枝輒病

野杏叢條雜亂芟樵車寒折一枝來居人五月

矜紅艷不信江南二月開去城三十里有杏叢生細如指無成樹者

芍藥千叢聚一處移香人特訪郊沙小車艷引  
分明路十里東門蝴蝶花

東門十里雨微涼拾得蘑菇入市香野水恨教  
迷去路兒童間殺柳條筐

江上歲瓠春水清西灘渡口風正平篙撐十字  
縱橫樣破網牽耒水面行歲瓠獨木舟名

網截江魚百丈開家、研膾發春醅應知渙火  
驚宵浪不見提鮮趁市來渙者必夜半乘歲瓠網江心及晨入市風

北邊輿地分界要覽圖纂徵

大浪急則不得魚

風漾沙痕落水痕采萼傍水綠初繁邊見邊婦

攜筐出多半相逢在北門

樺船攜趁渡頭忙來往輕飛逐鳥翔收拾烟波

人散後一肩帆影荷斜陽紐樺皮為渡船長六七尺可容二人

五月巡邊草茁芟西行輕騎抵河涯無皮樹下

堆高塚歸路餵糧去日埋五月遣官率百人巡邊至鄂爾姑納河河

以西為俄羅斯地視東岸沙草有無牧痕防侵

碑畏路瀰漫無轍跡挾大樹去皮歸時認樹知舊路也餵糧不能攜者囊挂于樹或掘地埋之隆土作塚形

二百菘毬乳葉香馬頭封裏貢秋霜筍奴箇妾

應相詫異種離奇避老羌俄羅斯菘油薑加蒿

相抱成球取次而舒已舒之葉老不堪食割球烹之味甚美函紙克貢

九月通鏗獵騎紛弓刀大雪從將軍一時馬上

齊聲賀親射雄獬六百斤江水後獵野苑于通鏗河雄者為貴

鄂倫春隸索倫圍廬帳千家裏樺皮大樹驚貂

憑犬得深山野鹿任人騎索倫人分八圍應捕

倫之北與俄羅斯接壤地產樺冠履皆以樺皮為之無馬多鹿乘載與馬無異用罷任去招之

即至捕貂以大與索倫同

犬偵貂穴在深蒿伺穴噲來更不勞貂惜毛戕

甘受齒犬防齒重不傷毛貂產索倫之東北捕貂以犬虞者裏糧以

往犬嘗前驅見其停嗅深草間即貂所在伏伺貂出逐而噲之貂受其毛受噲不自戕犬知毛

貴亦不傷以齒故皆生得也一虞人歲輸一於官

估客釜敲聲在臂虞人貂眩紫堆腰相逢不用

頻爭直易金惟憑寶金貂釜甌之屬極邊所少商賈初通時以貂易

釜隨釜之大小貂滿於釜而後肯易今則一貂數釜矣

肉盡還驚枝未摧爭呼神享笑顏開月明覓得

枝頭飽昨夜群鴉今又來泥樸處人襍病祈神列植松樺于野徧挂

牛羊肉羅拜其下

行人爭說避燈官叱咤聲中法不寬昨日街頭

呼駟僧今朝馬上肅衣冠鎖印後闍屠僧名立為燈官揭未有官假

法真之語細事扑罰惟意出必鳴金市聲肅然至開印前夕止

誰家壁寫翠筠橫連臂邊見識未明牧豎忽來

誇見慣東門塘子葦叢生遷客家有園竹於壁土人指為葦叢生處

曰塘子

椎鬢半縮獵蹄輕射得鴛鴦不識名說與相思

交頸鳥無端邊女也多情婦女韜髮垂肩曰練椎

夫役官圍兒苦饑連朝大雪雉初肥風馳一矢

山腰去獵馬長衫帶血歸鄂倫春婦女皆勇決善射

門閉炊烟暖禦風家、竈火炕頭紅客來更撥

泥盆焰羊脚餐香炙馬通冬蔽重門而牖其光是為風門

了蠟山頭樹柞樵諾尼江北少行塵待來十月

冰平岸日夜斗車作炭人了蠟山在諾尼江北二百里江水後人往

作炭路無宿所皆夜不絕行 ○ 右述本堂集中

白都納城一名新城隄止此城臨諾尼江發源下魁東

北諸山艾渾下魁兩水師戰艦歲修就材稽林由混同諾尼達於松花江返擢稍遲則凍

阻自此駁路由稽林至奉天千四百里取道蒙古入巴澣邊門近數日程

已盡龍江界依然雁塞天城低春水驛水鎖上

流船短市輪蹄隘殘更風雷懸如何近都邑巴

澣更荒邊

野宿野宿必依廬帳求井也車輒相聯荒草一匝秣馬其中人宿車上曰野營又曰

冷營

遙指行廬入暮天營依一匝短輪連黑風飲馬

人呼井白雪眠車夜裏鑪強抱夢魂來斷磧又

聽軛軛起荒烟柳條數問邊門路傳道冰沙不

易前

○右述本堂集中  
所收入塞詩

松花江行送給諫趙奏功先生巡察稽林

船廠

本名稽林在奉天東北八百  
里合寧古塔白都納為一鎮

稽林何地名何從古稱肅慎金黃龍王畿直北  
三千里遼海巖關復幾重開原以外無州縣沙  
白雲黃迷遠傳大東首鎮控要荒鎮倚邊江作  
天塹松花水瀉碧濤長混同北下天茫、極邊  
更有諾尼水南流亦到混同江混同橫接鱗鯨  
渡諾尼擢洊松花路三千犀甲重防羗歲歲樓

船飭堅固

水師專為防  
俄羅斯而設

廟廊本重籌邊計王斧

牙旌盟帶礮一從專閫築三城坐使旱于歸節  
制健兒驅馬盡歸田井竈叢生闐闐烟鞭梢鹿  
子秋風獵手底魚苗夜月筌長林遠嶺延江岸  
龍蛇氣吐青蒼亂鴻濛窟宅毓珍竒菴鞠雲霞  
蒸燦爛江頭大木鬱千章曾猷王家作棟梁万  
牛力致九天上長楊五柞相輝煌康熙中修宮  
殿曾取木於  
此先朝更寶松花石琢成鳳尾同和壁拜賜簪  
毫侍從臣歛洞端溪俱避席松花江江對面布

塔年、採珠獻清泥破霧有多名漢人偷識光  
如電松花江江遠脉寧古臺山真氣茁三極五  
葉紫團芝玉梳金漿好顏色川嶽精靈效 聖  
朝輿書包匭紀全遼敖登城倚藩籬近長白山  
聯王氣遙黑水之間称樂土漸聞韎韐修章甫  
韓范寧勞百萬兵帝簡清華憲文武鸞臺烏集  
詔初頒雲騎星軺出漢關大弁雄軍遵約束  
潼漿酪酒歡迎攀邠卿持節家聲舊何用金城  
嚴什埃喉舌星瞻北斗遙榆關鷹羽飛章奏吾

聞塞上五月吹薰風凌澌江豁波溶溶公好布  
德流無窮又聞八月邊江永早結寒威凜、光  
瑩徹豈公之政嚴且潔浙潮莫憶故鄉津高擁  
星旄向朔庭試看沮漆朝宗水常與周京作翰

屏 ○ 右述本堂集  
所收豎步吟

從軍雜紀 百首

黑水生兵控万弦穿熊羆虎勢無前虜中咋舌

傳新謀獺帽將軍副定邊 索倫八圍隸黑龍江  
將軍即古黑水部其

入勁弓善射以獾為生衣帽皆以獺皮為之準  
夷畏之見輒却走定辺右副將軍塔爾岱黑龍

江新滿洲人屨破敵有威名戴獺皮小帽如索倫製準夷稱為獺惜將軍

○本堂集所收松漠草

*[Faint bleed-through text from the reverse side of the page]*

○古長城說曰木蘭自東至西延袤數百里中

橫亘若城塹之狀依山連各每四五十里輒有

作堠屯戍舊跡問之蒙古及索倫皆云此古長

城也東始黑龍江西至於龍沙類然夫蒙恬起

臨洮而屬之遼東者今其城猶存乃去此數百

里而南且東西又不若是其遠也則古長城者

豈循蜚䟽化時所為者耶山海括地所未載於

無意中得之荒略口傳而借余以垂其名豈非

造物者之靈蹟久晦而必彰耶嘗苦載藉傳記

浮夸多偽固不若芑蒙無文者世代相沿指賓  
 以道之無褒貶予奪於其間也則秦之所築為  
 曠邊予為讓地予於古無聞而今傳焉吾安知  
 天下之似此未傳者當復幾何予又安知今經  
 予傳而必保其後此之不又共傳乎或曰此非  
 城也蓋天地自然生此所以限南北也夫天地  
 既生此以限南北則秦之為長城益可笑矣

○乾隆御製文集

盛京賦有序

嘗聞以父母之心為心者天下無不友之兄  
 弟以祖宗之心為心者天下無不睦之族人  
 以天地之心為心者天下無不愛之民物斯  
 言也人盡宜勉而所繫於為人君者尤重然  
 三語之中又惟以祖宗之心為心居其要焉  
 蓋以祖宗之心為心則必思閭閻之維艱知  
 守成之不易兢業畏天愛人於是刑兄  
 弟而御家邦斯以父母之心為心也民同胞

而物吾與斯以天地之心為心也孔子曰明  
乎郊社之禮禘嘗之義治國其如示諸掌乎  
宗廟禘嘗之典固先王繼志述事之大經也  
然自聖人象大過肇封樹以來上陵之制漢  
代已然我國家肇興盛京邠岐之地橋山在  
焉昔 皇祖六十一年之間三謁 丹陵用  
展孝敬 皇考在位百度維新日不暇給適  
西鄙有事徵役已勞又 藩邸時曾奉 皇  
祖命往謁 祖陵是以十有三年中未舉是

典予小子纘承丕基懼德弗嗣深惟 祖宗  
締構之勤日有孜孜敬奉神器言念盛京為  
天作之基 永陵 福陵 昭陵巍然在望  
不躬親祀事其奚以摠慙忱而示來許爰以  
乾隆癸亥秋恭奉 皇太后發軔京師屆我  
陪都孝思以申 祖武是仰因周覽山川之  
渾厚民物之樸淳穀土之沃肥百昌之繁庶  
洵乎天府之國興王之會也昔 函居相度台  
頌公劉岐宅作屏周歌大王莫不於 上帝

之監觀下民之君宗三致意焉故物以賦顯  
 事以頌宣既見於斯豈默於言乎遂作賦曰  
 歲大淵猷時旦柳中協律無射辨方庚辛歷吉  
 日以建旗駕應龍之酥鸞紛灑虜蕤蛇旌雄  
 虹撞鳴鸞周乎神臯之壤屆乎箕尾之躔循我  
 留都殺裡珠丘懷精氣仰德流既備既申  
 乃御黼座而覲臣僚維締造之彌艱撫草創之  
 鴻圖曰於休哉是蓋突載毫之子殷躡宅鎬之  
 姬周憑虛致譏於東約安處薦諂於西踰下此

離為十二之國合為六七之候鼎立瓜分者益  
 瑣纖旁魄不足以殫摠而孟堅平子太冲者倫  
 方且艷陳峭函隴坻之隘鹽池墨井之腴朽諸  
 天梁之麗三條五劇之區極鋪張以詭辨彼何  
 辭迺稱諸奚侔夫天作之皇宅又何藉葺宏與  
 魏舒於是詔文獻攷圖冊不惡不文爰賦其略  
 聚精構思挂一漏百粵我清初肇長白山扶輿  
 所鍾不顯不靈周八十里潭曰闔門鴨綠混同  
 愛濶三江出焉帝女天妹朱果是吞爰生

聖子 帝用錫以姓曰覺羅而徵其稱曰愛新  
是翦是除匪安匪康乃有葉赫輝發畀蕃撫順  
遂築城於遼陽以為東國之宗天篤其祜載恢  
厥功天命十年相險宅中謂瀋陽為王氣所聚  
乃建盛京而俯關西故言其封域則雖始自秦  
漢歷隋唐以迄遼金歟而舉其規模則維新  
皇運膺靈佑之獨深也仰符十度之尾實臨拊  
木之津得雲漢之所垂維北極之所鄰亦何異  
予台伯相宅卜惟洛食奉春建策留候演成哉

於是乎左挾朝鮮右據山海北屏白山南帶遼  
水滄溟為池澎湃澗浪湯湯赴瀾瀾撒灑洶  
迴渾渙浴日沃星莫測其始東盡使犬之部朔  
連牧羊之鄙啓我漠惠之原擴我俄朶之扯高  
燥埤濕原田每每走大野而拱太室者萬有餘  
里其山則鐵嶺繡嶺平頂降龍木查石門東水  
南雙矗喝嶼聚窻窻嶺兮峯巒嵌兮嶼峒削兮  
巖嶂律兮嶂嶺蔽虧日月源流湖江既孕奇而  
盤鬱亦含秀而降崇故夫四蹄雙羽之族長林

豐草之衆無不博產乎其中蹄類則虎豹熊羆  
 野馬野驃鹿麀麇麀狼豺封駝狐狸獾貉跳兔  
 婆娑鼯鼯艾虎貂鼠輕嘉其他牛馬羊豕之資  
 以日用者蓋填閭巷而烝寢訛羽類則野雞沙  
 雞鶩鴨青鶉鸛鶴禿鶩維鷄在梁縮脖鳩燕啄  
 木鵲鶻鷹鷓鴣鶻紅牙商倉黃鶴鼠化白雁霜  
 橫曰海東青出黑龍江林擊則天鷲禿魄甸搏  
 則窟兔走僵其他鴿雀銅嘴桃蟲鴛鴦  
 雜沓紛泊騰軼翱翔其草則蒿艾香蒲蘆葦蕭

荻章茅水葱紅藍綬蕩馬蘭知時木槿紀節厥  
 惟人參三桮五葉氣稟地靈功符陰陽商陸茵  
 陳篇蓄葶藶蠶實兔絲均能已疾其林則五鍼  
 之松萬年之柏重障隱天幽林蔽澤挺崇槐之  
 曾青蔭柅柳之濃碧大椿以八千為春壽操以  
 不材為德爛紅杏與緋桃絲白棟與黃蘗山藤  
 柔藪是資鞭策雞桑落黃可供蠶織陸玲既叔  
 海錯亦繁鯉魴鱒鯪鯢鯢鯢鯢鯢鯢鯢鯢鯢  
 鮎鯉比目分合重昏浮湛斂飾鮫翅柳炙細鱗

牛魚之長丈計帶魚之白韋編烏鯽之鬚粘石  
渡父之喙斫船他如蛇馬驢狗豚獺豹獾出沒  
于洶涌潛躍于游淵蒼龍捷鬣而雲作赤蛟掉  
尾而波開老蚌含珠九光燭天神竒是韞瓊瑰  
是生雖山經輿地志羗莫得而詳焉懿茲輿區  
原隰昫昫厥土上中厥壤惟平抱海負蓋跨遼  
欲宣渾河為帶興京為襟袤複陸而坦坦橫拓  
落而芸芸偉嘉禎之萃薈信橐籥之絃緼帝  
眷東顧用昇皇清而為萬載之沛豐若其測圭

臬度廣輪依繩尺疏渠川歌經始詠攸寧又可  
略聞矣天命天聰丕顯丕繼因其舊藩拓我新  
制規天矩地嚮明授時增八門之誅蕩脅九達  
之遷迤翼、俾倪岩、堞雉起圜丘於郊南單  
墜坦之潔祕欽柴颺撫陳玉薦幣鼓雲和升繭  
粟以邀盼嚮而昭祀事霜露在履春秋聿遷愼  
乎懷予肇裡闕宮滌濯毛魚元酒太羹文祖  
神宗爰歆於斯符帝車之太乙正王宮於未  
典重三殿之實枚表雙闕於闔閭闢名維何文

德武功殿名維何崇政建中高樓望氣歛題鳳  
皇後宮紫極交泰清寧闕睢麟趾化洽家卯維  
樸而安乃鞏而臧豈其二槐楹之刻鏤豈其飾  
棖撩之焜煌豈其疏龍首之喂喋豈其叛鳳翼  
之昂蔽匪有心於儉約乃潛揆夫陶唐大政當  
陽十亭雁行爰諏爰度日贊日襄吉君臣之一  
德而擴我闡於八荒正號紀元以受天慶於是  
定兩翼之位列八旗之方黃白紅藍有正有鑲  
法其象於河鼓則其數於羲經神其變於三五

握其竒於九宮 大聖創制動協天象是猶易  
之書契乃觀蹄迹焉楹以屏翰馭輕居重本支  
百世昌我宗潢佐命之勲曰費英東額都希福  
績茂蕭張曰有坐謀曰有折衝既彬彬而濟濟  
亦赳赳而彭彭其餘附鳳而攀龍者蓋車載斗  
量爰制國書聿興文教演義譯音物取其肖允  
維大海克稱檢校雖絕域其必通即織故其亦  
貌若夫人自為戰王者無敵角嚴則百壘失憑  
旌揮則三邊定檄義不返顧勇不重辟是以救

四海而莫禦亘千古而鮮匹故班錄於累世用以酬夫勞績及其斗杓北指涉冬背秋爰狩中原戎是修靡虹采裊蜺旂拖霧燼建雲旂後屬車前導游乘我良產屏彼彫輶右忘歸之箭勁左繁弱之弓柔借涸而雷動鴻網而星流又何必王良執轡織阿御鞅也哉於是帶甲之士百萬盡發鷹犬而驟驃騾界泰山之為櫓跨渤海以張罟林林裔裔列列裒裒命地而後中應聲而先培散壑糜之群友剔兕狸之伏留駭嘯

麇之儻侯龍效兔之佻偷既肩惰指捲而麋麋之群猶緣陵蔽野比夏草之稠焉爰用三駟示無盡劉更命羽林欣飛之士手豹尾踞虎頭搏洞熊殲澤獬觀壯夫之鶴躍快猛獸之軀騰乃獻我成禽舍彼踐毛擇其上殺允惟左膘以奉宗廟乾豆亨魚次克賓客乃薦君庖班獲行賞訖予輿僚是蓋因天地之利習軍旅之勞戰則克而祭受福古者蒐苗獮狩之禮所為昭詐其害三時之土穀奪百姓之腴膏蹂桑拓之地廣



苗香壺盧蔓菁蒿苳葵蘆鮮不旆、穉、嘽、  
 幪、驛、厭、鯨、穰、惟脈土之獨純斯穡  
 事之孔良農隙教戢守禦相望國以殷富兵以  
 盛疆鬱葱佳氣盤礴無垠民風噩、佺佚自然  
 休有烈光格于皇天上帝其子之維有歷  
 年是以我世祖因人心之歸清順天意之厭  
 明掃驅除之閨位統子弟之精兵無亡矢遺鏃  
 之費而膺圖正位于燕京蓋嘗攷千古之興替  
 稽百代之歷數拒符瑞之難誕信仁義之堪守

斥逐鹿之蠱說審神器之有授乃知帝命不  
 時眷清孔厚也不有開之何以培之不有作之  
 何以得之夫其披荆棘冒氛霾歷艱辛躬利害  
 無嬗代之迹而受車書之來者蓋書所謂于湯  
 有光詩所謂民之攸歸矣皇矣陪都矣惟帝鄉  
 乃命秉鉞之帥乃置五部之卿民安郡縣旗乘  
 屯莊春秋耕斂我倉我箱朝會朔望躋、蹕、  
 昭萬年之有道卜百世之靈長乃作頌曰  
 於鏢盛京惟藩之陽大山廣川作觀萬方虎踞

龍蟠紫縣浩穰爰浚周池爰築長墉法天則地  
陽耀陰蔽貨別隧分旗亭五重神基崇俊帝系  
縣昌周曰邠岐漢惟豐沛白水慶善興王之會  
長白隆、滄溟滅、形勝之選奕世永賴俯臨  
區夏襟控中外休養百年既豐而泰溯其始謀  
繼序敢懈昔我 聖祖三至斯土琴麗六飛森  
沉萬旅孔碩九車不遑安處祇謁山陵亦臨朝  
寧置酒故宮用酌父老乃霈恩施逮予編戶匪  
勤於巡良慕予古閔予弗德矣績丕基歲時

太廟陟降格思緬仰 鼎湖惟瞻惟依荷 天  
之龍際時之和駕言徂東絡繹羽儀風舉雲搖  
鱗萃魚麗我賓我臣我行是隨載至神鄉載觀  
園寢靈鬱崇輝祥凝巨瀆原廟衣冠霸陵衾  
枕松柏雲縵溪池流滄盪滌洪鑪陶甄羣品石  
馬悲風淚泉沾衽豈必美墻一氣是稟聿造故  
宮故官赫共聿升太階太階奕、無彩之飾惟  
厚之積皜曜翫照歛皜烏赤左城右平坤闔乾  
闢土壁葛燈遐哉儉德詒我孫謀萬年之宅乃

開南端設席肆筵爰爵周親及彼鷓鸞南陽故  
 舊洒如言、惟此嘉師 烈祖之臣是噢是咻  
 是貽我躬敬之敬之翼翼、惴、於億萬歲皇圖  
 永綿 ○ 乾隆御製文集

○方象瑛封長白山記曰康熙十有六年四月  
 望 上以長白山發祥要地 特命內大臣覺  
 羅武某一等侍衛兼親隨侍衛費耀色一等待  
 衛塞護札等於大暑前馳驛往五月四日啓行  
 十四日至盛京二十三日至兀喇宣 諭鎮守  
 將軍等台村莊獵戶皆無知長白者都統尼雅  
 漢族祖戴穆布魯世採獵以老退間自言祖居  
 額黑訥陰聞其父嘗云獵鹿長白山負以歸四  
 日可抵家以此度之長白山距訥陰當不遠因

問訥陰路幾何獵戶噶喇大額黑等曰陸行十日水路乘小舟二十日乃命獵人喀喇前導各持三月糧又慮食盡馬乏不能歸也期將軍巴海載米一舟候於訥陰于是噶喇大額黑等由舟覺羅率固山大薩布素由陸六月三日啓行經文德痕河阿虎山庫納訥林神爾薩河渾沱河法布爾堪河納丹佛勃地方輝發江法河水敦林巴克塔河納爾渾河敦敦山卓龍窩河凡數十處抵訥陰而噶喇大等亦至蓋自江逆溯

由瓦努湖河至佛多和河復順流來會纔七日耳十一日發訥陰一望林莽迷不得路薩布素率旂甲二百人伐木開道十二日悉衆行是日薩布素遣顧愷等先後馳報前進約百數十里登一山升樹而望遙見遠峯白光片、殆長白山也因留噶喇大額黑督采珠蚌十四日與薩布素等會密樹茂林揣摩開路十六日黎明聞鶴鳴六七聲雲霧迷漫不復見山乃從鶴鳴處覓徑得鹿蹊循之以進則山麓矣始至一處樹


木環密中頗坦而圓有草無木前臨水林盡處  
 有白樺木宛如栽植喬木叢生黃花爛熳隨移  
 駐林中然雲霧漫、無所見也衆惶惑前誦  
 綸音礼甫畢雲披霧捲歷、可觀莫不歡呼稱  
 異遂攀躋而上有勝地下敞如臺遙望山形長  
 濶近視頗圓所見白光皆冰雪也山高約百里  
 五峰環繞憑水而立頂有池約三四十里無草  
 木碧水澄清波文蕩漾繞池諸峰望之搖、若  
 墜觀者駭焉南一峰稍低宛然如阿池水不流

山間則處、有水充流為松阿里兀喇河右流  
 為大小訥陰河瞻眺之頃峰頭游鹿一羣皆駭  
 逸惟七鹿忽墜落衆喜曰神賜也蓋登山適七  
 人時正乏食拜而受之回首望山倏復雲霧遂  
 于十八日南回至前登山高望處一氣杳冥並  
 不見有山光矣二十一日至二訥陰河合流處  
 二十五日至恰庫河則訥陰東源合處也二十  
 九日由恰庫河歷色克騰圖白黑噶爾漢噶大  
 渾薩滿薩克錫法克錫松阿里多渾大江險絕

處凡九七月二日次元喇十二日抵寧古塔遍  
 閱會寧諸府八月二十一日還京具疏聞上  
 以發祥之地奇蹟甚多山靈宜加封號下內閣  
 札部議封為長白山之神歲時享祀如五嶽焉  
 夫封山之典肇始唐虞然報祀嶽瀆非有關於  
 鍾祥之自也志稱長白山橫亘千里高二百里  
 巔有潭周八十里南注為鴨綠北流為混同  
 國家龍興之所自然至今無知其處者一睿慮周  
 祥穆然念祖宗之所由出專官訪求備歷險易

卒光大典以答神庥其享天心而致靈貺宜哉  
 謹據原疏綴葺為記用志于萬世無疆之盛云

○昭代叢書



○康熙三十一年四月 上御瀛臺內澤豐園  
澄懷堂尚書庫勒納奏曰聞黑龍江日長夜短  
雖晚日落不至甚暗不知何故上曰黑龍江極  
東北之地日出日入皆近東北方所以如此

○康熙五十年五月諭大學士等曰天上度數  
俱與地之寬大昭合以周天筭之天上乙度即  
有地下二百五十里以今時尺筭之天上一度  
即地下二百里古來繪輿圖者俱不能依照天  
上度數以推地里遠近故多差誤朕前差能笑

善画之人將東北一帶地理俱照天上度數推  
 筭詳加繪圖視之混同江自長白山後流出由  
 船廠打牲烏喇向東北流會于黑龍江入海此  
 皆中國地方鴨綠江自長白山東南流出向西  
 南而往由鳳凰城朝鮮國義州兩間流入于鴨  
 綠江之西北係中國地方江之東南係朝鮮地  
 方之江為界土門江自長白山東邊流出東南  
 入海土門江西南屬朝鮮東北屬中國亦以江  
 為界但鴨綠土門二江之間知之不明前遣部

員往鳳凰城會審曾密諭乘此便至極盡處將  
 邊界查明來奏想伊等已由彼起程前往矣

○東萃錄

Table with 11 columns and 10 rows of text.

...	...	...	...	...	...	...	...	...	...	...
...	...	...	...	...	...	...	...	...	...	...
...	...	...	...	...	...	...	...	...	...	...
...	...	...	...	...	...	...	...	...	...	...
...	...	...	...	...	...	...	...	...	...	...
...	...	...	...	...	...	...	...	...	...	...
...	...	...	...	...	...	...	...	...	...	...
...	...	...	...	...	...	...	...	...	...	...
...	...	...	...	...	...	...	...	...	...	...
...	...	...	...	...	...	...	...	...	...	...



